

湖南府縣志輯

中國第一志集成

光緒庚子年刻



K296.4
10
16

中國地方志集成

湖南府縣志輯 ②⑥

光緒興寧縣志

江蘇古籍出版社●上海書店●巴蜀書社

序

余忝厥職到三閱月矣正埽清積牘間適邑紳諸董事持其前署任俞蔭棠田林堂兩大令先退奉

大憲委修甯志而重輯之蒐采舊聞網羅以密補闕漏訂舛譌懿行嘉言徵於文獻具見創脩乃瘁得諸紳士之誠苦心纂校三彌年而告成屬余為之序余悚然曰此帙既成甫寓于目

興甯縣志

卷之首

劉序

也未成之先余亦何與焉抑余言何足重哉况復不敏才識淺薄兼奔走於南北之游方從事于執掌之際何暇事其研遂辭之至再而請之益堅以故率爾瑣觚不能不塞其責勝心甚愿篇竊思邑之有志猶家之有乘國之有史也家無乘則一族之倫紀弗修國無史則一代之典章弗備管蕭侯入秦先誇圖籍朱子說政即覽志書波豈為是緩不及事之圖式論治法以重

國

夫本京攷輿圖曰分其域而四時之物產焉詳誌設以辨其強置審險隘曰防其捍禦而一邑之守嚴焉至若仰觀天文俛察地理以及星象職官山水形勢治體民風細常節義之類游前明以訖初經罕是邦之名公循吏包括無遺拾不勝屈今讀其叙想像當日之教化遺風猶昭朕千古詩云不競不綈不罔不柔斯左為政者之精心

興甯縣志

卷之首

劉序

朝

群童而非有邑志之韵古準今則亦無以相浹於異中而詳其實也後之相繼者能弗感且愧乎夫經濟發為文章英士鍾乎靈毓其地未有不因人而傳其人未有不因地而顯者都之人士各勵前修上脩朝廷有用之材下樹鄉里庶民之望以隆學校以振文獻人地日蒸民生自厚此禮樂誡書可以興矣至詩初來守諸土者凌沿舊轍不贊其辭

但不敢泯始事者也功而妄自附名于著述之末也云爾

時

光緒元年歲在乙亥仲夏之月下旬吉旦
知興甯縣事津邑劉錫九桂生氏誤并書



興甯縣志

卷之首

劉序

三

敘

興甯故郴縣地也周秦而上版隸荆楚山川風土人物文章璘璣史冊古矣漢東始置漢甯繼此而陽安晉甯資興唐宋以前之籍無傳焉南宋理宗紹定改資興為興甯徙治管子壕即今之縣治也元明迄今七百有餘歲矣其間時興時替天道上運

興甯縣志

卷之首

郭序

一

人事下更歲月日自成今古而山川風土人物文章麟々炳々熊羆奕々於山清水駛之際而縣々若搖者清泚氣固蜿蜒扶輿磅礴鬱積而不容卒聞也驗於古即以澄於今蘭策流傳不信而有徵乎余俗吏未能深觀天人之際去春漫以鉛刀庖代此邦競々惟懼失墜夏始中丞李公隨

以續修通志 朝清而先飭府廳州縣各

續其志以備采擇夫郡邑有志郡邑之實

錄也興甯之志不一矣前明李陳王公端

然一代作者而 國初綠房耿公復以中

州名宿啟興甯一代著作之猷雖其金書

不少縣見而序述論著附見於帶溪羅公

所纂一志者上自天文下綜地理中紀人

興甯縣志

卷之首

郭序

二

事原原本、見見聞、網羅而囊括之斯

不謂大備與沒之作者卷帙雖繁而其如

瞻而不穢詳而有體時惟羅公志足以程

式余既奉 中丞檄即傳集城鄉紳士周

諮詢度量材程事籌費開局懇、者於茲

已歲計矣今余方解任末由與諸君共歲

厥事心滋慙焉惟人才隨氣運為轉移豪

傑奮興初無有待諸君誠深觀於天人之

際社為一朝人物即成一代文章上稽天

時下營人事明學校而秩典禮程建置而

經賦役職官著其績武備善其防忠孝節

義發其幽民生厚而灾沴消綱紀萬物駸

駸乎殆將典史冊爭古矣李陳王耿羅諸

先輩不且欣然把臂大雅作述之林哉選

興甯縣志

卷之首

郭序

三

舉一冊吾正於諸君覘氣運也後之膺斯

責者其能相與有成乎清泚蜿蜒扶輿磅

礴吾猶景山川風土而默、籲之

省

大清同治六年歲在丁卯夏仲上浣吉旦

勅授文林郎已酉拔貢辛亥順天鄉試舉

人大桃一等署郴州興甯縣事晉陽

郭樹馨謹識



興甯縣志序

夫畫疆分理威治之常經懷
土樂生庶民之恆性古來聖君
賢相則壤生賦建官置吏
設為禮樂法度以垂勸之凡
以為民也禹貢列其山川鎮澤

辨墳壚青赤泥塗之異以
制田賦高下之則至於條以湯
楸抽箇藉菁茅之微亦舉而
載於簡冊罔禮辨方正位體國
經野大司徒掌邦教職方氏
掌輿圖外史小史領邦國四方

之志稽民物蕃殖之宜而男女
之衆寡閭閻之纖屑皆無勿
書班氏誌地里詳古今沿革興
民風生業飲食俗尚使觀者有
攷焉此志之所由昉也我

國家治化翔洽聲教訖訖至於海隅

興甯縣志

卷之首 俞序

二

日出莫不嚮化版圖宏遠功德
顯巍直高越三代追駕唐虞
矣康熙八年

詔天下各修志書復

命儒臣編纂大清一統志斯即古
者命太師陳靖以觀民風省察

其俗之得失範圍於禮樂法
度之中以一道德而同風俗者
也而率需王會之廣幅幘戶
口之盛強制典章文物之備亦
若覽禹貢周官而燦然在目
犁然有當於心固已非尋常採

興甯縣志

卷之首 俞序

三

輯之所可及矣顧一統志藏於內
府未易仰觀通志卷帙浩繁且
載各縣邑事蹟或撮要而未詳
則縣志尤不可以暫已攷興甯之志
自道光辛巳續修後迄今五
十有三年舊率之存或多燬

壞而此五十三年中凡所謂忠
臣孝子義夫節婦以建山林
隱逸瓌奇特達之士類皆湮
沒無傳固守土者啼嗷憑弔
而不能自己者也同治丁卯前
縣郭君李

興甯縣志

卷之首

俞序

四

憲北飭修經當事諸君子廣
蒐博採不憚勤劬歷有年所
余去臘來篆斯土數月後值
此書告成亟取閱之見其中
畧者完缺者補上紀天文下
紀地理中紀人事以及兵農

禮樂官制賦稅靡不考訂之詳
且脩至若忠孝節義凡化之
所函學校技藝文教之攸係尤
見採之精而擇之當也不亦燦
然美備也乎夫舉一世而裁成
之者聖天子之事也就一邑而

興甯縣志

卷之首

俞序

五

整齊化導之者良有司之責也
後之官斯邑讀是書者其亦思
所以富教吾民与夫因革損益
因時制宜之要道乎庶不負

聖朝作育之心

上憲殷拳之意及諸君子廣

蒐博採之若志云爾聊弁數

言而為之序時

同治十二年歲在癸酉季冬下

浣知興甯縣事北平俞文葆蔭

棠氏訓并書



興甯縣志

卷之首

俞序

六

興甯縣志卷之首

舊序 凡十六篇

明

嘉靖癸卯志

序一

邑舉 李廷東

誌郡邑何貳國史也史詳於朝疏於野勢也故貳之也甯志弗屬外矣修之自我得峯汪侯始何數也數久則變變則台也始初辭也所以賢侯之首曠典急先務也乃命作山李子碧潤黃子為之擷拾為之撰次受成於三邑博何也重之也蒐百年之遺於旦夕興甯縣志 卷之首 舊序 一 之頃百百年之漏於潰決之後非一人所得而做史而作何端其則也摸足而履不至賁也舉大綱何示專統也張眾目何悉幾微也之其類而聚焉順也之其重而先焉等也為之光華懼其俚也為之剪截防其穢也其事核明密塞也其文質貫疏爽也善必悉實善善長也惡不揚真惡惡短也不廢遠不泥賤公也不擯異恕也不捏無信也皆史之制也他日觀風者於是而攷俗焉司牧者於是而攷政焉後生末學於是而攷德焉作史者於是而攷遺焉侯功其伊濯耶迺厥始也通守墨山王公省茲甯土協謀贊

決例書之何均與善也嘉靖癸卯九月日

萬曆乙卯志

序一

知縣 傅其德

不佞與賓陽先生同官於淮傾蓋結白首歡越二歲不佞奉簡書蒞茲土下車謁先生先生出甯邑志俟君刻半就者示余甫寓目有衡永之役南走九疑北走衡嶽往來興甯道上足跡幾遍焉覽茲形勝則鳳翼飛舞而來羊角扶搖而上雙溪雷奔於程江八面壁立於桂嶺雲蓋石蓮層嵐如削邑最爾哉亦寓內一大觀也隨訪諸父老道茲土事甚悉風用夏而雜興甯縣志

卷之首 舊序

序二

知縣 陳元旦

興甯舊有古志麗樸簡畧自嘉靖癸卯秋先哲作山李君碧瀾黃君修而輯之核以事實潤以文藻郁郁斷斷蓋大雅而大備矣第自癸卯迄今凡七十三載其間沿革靡常張弛異術且循良疊沓賢雋登財賦之盈縮利害之變通率多未載其可闕而不講乎或有以此爲空文無所用之不知治體民風綱常節義咸於是乎闕世之汙隆政之貞僻咸於是乎載可謂其空文乎哉昔者魯有象魏命而藏之曰此舊章不可忘夫志固一邑之舊章也獨可以忘耶矧前志板刻十不一存數十年來人不見志久矣我侯明府興甯縣志

卷之首 舊序

以中州人杰牧我興陽履任二載治化熙隆且以渾厚運精明以政事兼文學首詢邑志聞其殘闕迺喟然歎曰豈可當吾世而仍其闕也聿慨然有修志之舉而以七十三年未備之重典屬且筆而輯補之未幾以擢命行茲復幸我傅明府以兩浙名賢繼宰甯邑隨車霖雨浹我郊原加以嚴明整肅治化維新時署篆全庵胡君學博楚賓廬君桂麓梁君泊王君七元李君從楚咸以修志僅半爲請明府遂以邑志完修爲已任而復委且以終事焉且雖不敏然鼎命兩及不敢不承竊志豈易言哉昔歐陽氏嘗修唐書

不簡嚴高古議者猶以爲不如舊章之詳范太史亦嘗修唐鑑註不典實雅正而宋儒乃謂孫之翰唐論過之詳於浮詞者或譏其專鼓唇吻畧於故實者又嘆其不勝斷梗彼江淹所謂史之難無出於志豈漫言者乃屏塵囂靜坐記室虛中秉筆或網羅遺帙或苴補闕畧凡李黃二君子所著論說皆不敢廢仍存其舊或臆有未見則效斷鑑之例附之篇末或擴載事蹟分類纂收或逐款竄補期於全備俾覽志者撫封域則思慎固察戶口則慮叛移易滴者民風何以挽之易靡者士習何以矯之其他紀綱品式可損可興甯縣志

卷之首

舊序

四

益則因所可因而革所當革官評月旦可取可舍則法其可法而戒其當戒其取益於志者豈淺鮮哉孔子嘗曰斯民也三代之所以直道而行是志也亦以共維今日之直道焉爾萬歷四十三載乙卯春

天啟乙丑志

序一

知縣

汪夢尹

邑何爲而有志志邑事也其志邑事者何志一邑之事使觀風者知邑之事耳邑事之大無若民風在古則消在今則滴其何以挽之邑事之大無若儒術在古則振在今則靡其何以興之邑事之大無若兵防

在古則整在今則弛其何以飭之邑事之大無若災異早潦在古則少在今則多其何以弭之觀此志而聳然起念惕然思戒不徒視爲記載之糟粕斯得爲志者之意維風翔運恃有此具也故余初下車得賓陽陳公所修興甯志竊謂此志具在可恃以自警偶一寓目輒沾沾喜然憾中多蠹蝕尺幅逼仄而字畫模糊且遺缺數十年後事殊爲抱歉遂過七元王公談及甯志應修隨托之執筆公不辭其心力尹不辭其俸錢閱三月而竣募役重鐫缺者補而畧者增於是鴻裁新製蔚乎可觀則陳公向所著述而未盡者興甯縣志

卷之首

舊序

五

王公茲悉包括之無遺矣一公之於甯志功豈淺鮮哉至於此志成而後之來蒞茲土讀茲志者隱然懷振警之念則不佞尹或亦未可少也是爲序天啟五年乙丑孟夏

序二

桂林通判邑人王廷璣

甯邑有志兩經修輯足備稽覽蓋實錄也但其體裁編幅之內殊覺未洽矧事越十餘年而撫拾未逮卽邇之數十年而闕漏尙多讀者不無撫檻邑侯汪明府以豫章豪俊握符甯宇褰帷甫屆期卽取舊乘繙閱遂躍然起曰志闕通邑且以傳之當遺繩之後

非可尋常視而今乃局促無聊詮理靡悉其何以爲
寓內觀也於是銳意鼎修隨屬不佞秉筆焉夫惟國
有史郡縣遂制故稱志志也者蓋古列國掌記之別
名焉藉令左倚提鉛鄒枚賦草亦校讐難之不佞醺
雞覆甕尙未窺作者一斑其何以副委託然竊謂志
者志也苟上之人無志於責實則雖舊章具在不啻
芻狗下之人無志於核真則雖著述爛然祇工盤脫
故於今而深幸汪侯之有此志也且深幸不佞之可
同此志也蓋環邑之內天文如故也地理如故也人
物如故也職官如故也食貨宮室文藝之類亦皆如
興甯縣志

卷之首 舊序

六

故也倘僅沿舊襲跡組織而刻畫之此修志往愆耳
亦何足貴哉惟是仰觀而思陶鑄陰陽俯察而思振
耀山川作人而欲維挽風氣飭吏而欲媲美循良並
居室而祈莫安撫字藝苑而祈激濁擷華則非有志
者不能就而承此志者要不得阿諛以曲從也今觀
汪侯之政經緯張弛並用興育調劑兼施蜚聲聲聲
標最人文翩翩蔚起卽未竟厥績而立志固已遠矣
則此修志之舉蓋以其所志者布之誌而隨以誌所
載者益盟之志也余雖不敏敢弗勉體德意以求無
忤於志哉爰是屏營兀坐殫精竭思日取塵籍遺篇

並斷碑殘牘應加披省者絜綱以摘罅峻體以懲駁
摹古而鑑今採眾而參獨大抵甯詳毋畧甯公母私
甯規無徇要以抽元挾秘批卻導窾期於諄懇鑿鑿
非徒鑽辭繪句工綺靡之態以博修志之虛名也者
卽未必擅三長勒不朽乎亦庶幾哉不負汪侯之志
而可信可傳且爲同志者法矣遂錄以授之梓天啟
五年乙丑夏

國朝

康熙庚戌志

序一

興甯縣志

卷之首

舊序

郴州 葉遇臣

甚哉作史之難也麟經而後莫如司馬子長而或議
其淺陋而不學疎畧而輕信繼司馬者班范爲最議
者謂或失之同或失之謫續麟經之筆其綱目乎復
不免有門人繼作之疑甚哉作史之難也志亦一國
之史也証易言哉郴之爲州在嶺之上屬有五甯處
一焉人情風土與中州異者多矣匪志亦奚以究其
源流考見得失也哉郴往有志明季來幾百年未有
修者文獻不足徵矣余自承乏郴郡嘗擬合五屬爲
一總志而各邑多缺然無所考故遲有待焉耿君綠
房以文學之才筮仕甯邑恢恢乎吏治有餘也爰擬

拾殘缺訪羅見聞而運以新裁凡塵數月之勞以成此書書成問序於余余一再翻閱知耿君用意之專且篤也山川土田風俗教化所爲偏全盛敗補缺張弛慮無不討求而論斷之核而不煩文而能雅準其條理詳其利弊邑之爲治從可知已豈復有爲議爲議者哉豈復有爲歎於考見得失源流莫究者哉使諸邑長悉皆如耿君之用心則自邑而郡自郡而天下輜軒之採取諸此而裕如矣故嘉耿君之志而樂余之志亦可藉以旦暮告成也於是乎序康熙九年孟夏月吉

興甯縣志

卷之首

舊序

九

序二

知縣耿念翁

皇上御極之九載屬當弊吏蓋古諸侯述職期也附庸之國咸得以其治績附而上之聽殿最焉甯雖僻在楚陬亦今日之曹滕邾莒也劬自戊申秋叩命寧茲邑地僻而民瘠催科撫字動多盤錯心孔瘁矣迄於今歲凡三更而任職實未逮兩期去年秋適有黔關之役往返五閱月不獲眎事斬於才艱於地更縮於時張弛而綱紀之心滋瘁矣惟是相其時與地之所急竭之以才飲冰茹蘗朝夕跼勉期所以無罪於一人無罪於百姓者因思凡郡邑有志郡邑之實錄

興甯縣志

卷之首

舊序

九

也卽郡邑之治聲也可以考山川之形勝焉可以覘風俗之淳澆焉可以識人文之盛衰焉可以驗物力之豐嗇焉可以察天時之休咎焉可以卜民氣之虧盈焉庸詎忽諸爰尋討舊章蓋什不得二三矣又况鼎革以來乾坤再造譬之鼓瑟然不調則舉而更之膠柱焉戾已故諸若賦稅有裁損官秩有汰革里甲有歸併田疇有荒闢境土有安危陵谷有遷徙城郭有完繕宮室有廢興教化有修舉人情有變更災眚有消弭難以縷析而指屈也務一取而詳訂之周諮博采目攝心營耳治筆書集數月之勞以成此帖宜畧者畧宜詳者詳不以私廢公不以疑飾信綱目有例鉅細有體先後有次支緒有歸新舊參舉正變互悉一利也必洞其本之所自肇一弊也必究其流之所終極防微杜漸取鑒垂模庶幾繼起爲功得以循端竟委覩指識歸有所寄其耳目而運其心思焉譬者方藥備載病原不察虛偏不之許也是編殆亦甯邑之原也標本緩急需乎其時而制劑焉則一邑之治忽將於是在而劬之功罪亦於是乎以存若夫三長五難志同於史未易言也不文如劬敢妄附作者哉顧昔陽城自署其攷亦惟是履歷所寓有不得

辭不得諱者拮据草創以聽採風者論定焉爾康熙九年庚戌四月

康熙甲午志

序一

署知楊歲

甯志何昉乎昉於綠房耿先生之所作也然則前此無有乎有之而麓樸簡畧至先生而美備故獨以作者之目歸之云爾先是板藏於肆亡失過半遇上憲檄取輒無以應甲午夏余代庖至甯回念曩者歷署諸城皆有志而甯獨無凡夫天文地理人物官績以及藝文俗尚其何所考究焉於是百計搜求得其舊

興甯縣志

卷之首

舊序

十

本取而閱之贍而不穢詳而有體居然史裁也昔劉知幾謂鄭惟忠曰史有三長有學無才猶愚賈操金不能殖貨有才無學猶巧匠無榱桷斧斤不能成室余謂識尤為喫緊否則每記一事載一言必閣筆相視含毫不斷志雖一邑事亦必備茲三者而後可肩修纂之任甯志若此庶幾無憾也而曷忍廢諸况志之修也距今四十有五年矣此四十五年中宦績彰彰者若而人懿行足錄者若而人失今不傳令後之人或考信莫據或傳聞異辭是宰之過也方矢念鈇補客有謂余者曰甯志廢墜久矣公以五日京兆而

汲汲於此無乃得已而不已乎余曰不然事無論巨細視乎當之者何如耳甯志之闕而適值吾之來業已當之而輒謝之令天下而皆若此則古往今來孰是為修纂廢墜之人哉由是捐購梨棗凡舊本所有者仍之其自康熙九年以後者各從其類續於一十三卷之末閱三月刻竣是役也有武孝廉胡君竹書明經許君文起何君綬章曹君叔通庠生蔡子輔朝許子尊唐子克綱焦子書綸之採訪真確有學博李君容齋雷君篋瞻之考覈精詳余不敏因藉手以告成焉余惟天下事有其創者有其因者此刻之成實

興甯縣志

卷之首

舊序

十一

因舊本而附以新錄則綠房耿先生之功不可泯也雖然猶有說焉歲月遞嬗人事迭興更歷數百年其間之應訂補者必多有擅三長者載筆而起吾知後之視今亦猶今之視昔凡今所續謂是層樓之一楔也可謂為浮圖之合尖也不可康熙五十三年甲午季秋月

跋一

教諭邑人李德芳

甯志自綠房耿先生纂組而後閱今四十餘年矣歲月遞嬗人事因之山川無變遷乎田賦無增益乎名賢懿行無有相繼而興者乎况乎鏤板經焚餘之後

什一僅存而更混淆於魚魯之莫辨採風者於何而
備覽焉噫舊志之既廢也如彼其久而後事之失傳
也如彼其多卒未聞有載筆而起者豈刪定纂修固
自有時耶抑亦待其人耶我楊父臺以宜陽福曜來
篆於甯不數月而百廢俱興心孔瘁矣尤惓惓於邑
志之遠且大者毅然不辭其勞不惜其貲既撫拾殘
缺補亡訂訛以還其舊復訪羅見聞獨運筆削以增
其新俾余以空疎無據之學得藉聆教誨於其側幸
何如也抑余竊有感焉昔人謂志猶史也直道存焉
苟非蓄道德而能文章者以任厥事未易信今而傳
興甯縣志

卷之首

舊序

十二

乾隆己卯志

序一

知郴州 曾尚增

郴郡居楚上游興甯隸焉宰斯土者爲蒼水羅君君
以個儻才年未三十膺民社任歷四載於茲會余秉
郡事甫至星沙君適來調指陳邑之利弊鑿鑿如繪
知其政績必大可觀也迫余下車後廉訪循聲所謂
政通人和者彷彿見之近於公餘之暇憫志乘之失
修博採廣諮手自編輯帙成問序於余余謂志通於
史義不易言昔知幾有三長之說袁松有五難之目
率爾操觚罕得盡善邑志雖小上之爲郡志爲省志
爲一統志皆取擇於此非夫直而不阿瞻而有法信
而可徵其亦何所取諸羅君此志成不獨見製錦規
模綽有餘裕亦足驗文章該治遠異乎俗吏之爲之
已夫立德立功立言古稱三不朽治邑者本慈惠之
德宣濟世之功一切農田水利與夫學校鐘鼓次第
行之必卓有成就而又出其緒餘俾數十年簡斷編
殘之志炳炳麟麟不可磨滅於以信今而傳後胥是
焉在賢宰之責亦可告無負矣獨念余承乏郴陽檢
閱遺編頗多散佚徒以簿書厯碌半載以來未遑釐
訂他日將續而修之其卽以羅君此役爲先路之導
也夫

興甯縣志

卷之首

舊序

十三

序二

知縣 羅 紳

興甯志創修於前明李廷東陳元旦王廷璣三鄉先生至國朝康熙庚戌邑令耿念劬重修之號稱美備後四十有五年甲午署令楊葭續補之距今又四十五年其間因革變遷時積事多凡流傳見聞有待表彰者幾於家藏一帙人集一編則囊括網羅補苴而張皇之固守土者責也我朝文德覃敷率土瞻仰一統全部之書甯雖僻遠版圖事蹟炳耀簡策今歲大憲闡揚盛化纂修湖南通志告成頒布各屬凡甯之所有悉班班見於卷中已非復曩時之舊觀矣紳於斯時承乏是邦會士人有以重修邑乘請者

興甯縣志

卷之首

舊序

十四

余謝不敏因念夫統志省志其綱也邑志其目也欲詳節目當近自一邑始古者外史掌四方之志尚書傳序曰九州之志言九州所有土地所生風氣所宜皆聚此書也至大司徒掌建邦之土地之圖與其人民之數小行人所謂萬民之利害禮俗政事教治刑禁與康樂和親安平各爲一書則封域營建賦役風俗禮儀學校諸務胥舉之矣若夫弊吏以整官方獻書以登賢能陳詩以觀民風此爲國之大要而邑有秩官人物藝文以紀之故觀於一邑而政治可達於天下也甯爲邑在郴州萬山中橫絕嶺嶠常五分之

一縈帶桂未清谿合其西綠水匯其北淑氣盤集與衡湘爭奇埒秀地廣而賦少事簡而民淳文學之士自宋元以來遠有端緒而孝子貞婦志不絕書况又歷此四十餘年休養生息之所被詩書禮義之所漸日新月異而歲不同顧可曰是非吾職司所得爲者而聽其若存若亡已乎於是慎擇邑中同事者九人共加考訂卽舊志而斟酌損益之大抵事以體要爲歸使事增而文不繁詞以質直爲主使詞得而意不晦折衷於前人之所已經取信於今人之所已傳爲一邑明公道存實錄與統志通志相表裏以冀後來

興甯縣志

卷之首

舊序

十五

者之論定惟其材之弗逮而牽勉從事有餘愧焉書成特述所爲重修之由如此而錄之以爲序乾隆二十三年戊寅仲冬月

序三

衡陽進士劉良璧

余家先世爲興甯人自高祖日華公遷居衡陽歷數傳矣余既成進士後宦遊京師閩海者二十餘年以老致歸至戊寅初秋始得詣甯省祖墓時與邑中士人往還憑弔川川周覽城郭埜餘秉穗戶滿絃歌竊喜古風宛然士人告余曰此皆我邑令羅公之賢爲之也余乃扶杖往謁肅然起敬時公方開局輯邑乘

出其義例以質余綱明目張部居州次其事則備於前其文足傳於後殆不獨能以經術澤吏事而兼有良史材者也今年書成郵示余余執卷而嘆曰古者太史陳民風而周官五物各爲一書蓋觀其書而政教之得失風俗之清濁可得焉若我公之政教其被於人者深而甯之風俗登於古者漸使凡流覽是書者由此周知一邑之故且上下數百年如親其地如接其人必將共愛而傳之况以甯爲余先世之故里哉詩云維桑與梓必恭敬止得賢令以存古道昭信史余與甯之士人其不能忘情於斯爲何如也抑余興甯縣志

卷之首 舊序

十六

嘉慶丁丑志

序一

知縣 李之梓

邑之有志猶國之有史也史記朝廷而不遺於天下志載鄉閭而不侈乎異域故稱史者尊王制所以大一統也稱志者重司牧所以嚴官守也歧而二之則是史宜直也而志可以不直史宜信也而志可以不信史之詞嚴而正而志不必取乎嚴而正史之旨約

而該而志不必取乎約而該三長不具五難不知而遂可以作史乎哉史不易作而作志者又可率爾操觚耶興邑之有志由來舊矣自前明數鄉先生而創始之迨乎國朝經守土者之屢易其刻而始臻美備炳炳烺烺傳之數百餘年而無可遺議質之於史殆亦異流而同源也耶乙亥春梓代庖是邦越明年上憲有修通志之舉並飭修邑志以備通志之採錄蓋以邑志經數十年而不修則此數十年之事淹沒而不傳積之又久不將遺忘過半耶此搢紳先生之過而亦宰斯土者之不能辭其咎也梓不敏不能贊興甯縣志

卷之首 舊序

十七

勸聖治宣布德化而徒於修廢舉墜中以塞五日京兆之責斯亦大有愧於撫字之任者也然此亦適以闡揚天子之邦隆而非以矜一己之採輯也國家承平日久兵革不興百姓相與漸仁摩義蹈中履和以成此熙皞之俗而後守土者乃得以撫遺編尋墜緒而有事於補闕拾遺誠甚盛遇也爰聚都人士而議所以修之者僉云舊版尙存舉而棄之則用繁而竣工難續而增之則費省而告成易且前志之所不可易者雖董狐復生倚相再見不能起而更之梓允其說卽爲之精其採訪廣其搜羅務使前志之